



Aasiaat 7.december 2017

Inatsisartut suleriaasianni § 37, imm. 1 naapertorlugu matumuuna Naalakkersuisunut imaatumik apeqquteqaateqarpunga.

### Apeqqutit:

- 1. Kangersuatsiami Royal Greenlandip aalisakkanut tunisassiorfia massakut kia pigivaa?**
- 2. Naluneqanngitsutut tunisassiorfik suli ullumikkumut tikillugu 2011-mili matuneqarami ammaqpinneqarsimangilaq. Sumik peqquteqarpa ullumikkut piginitunngorsimasup tunisassiorfimmik ammaasimanginneranut?**
- 3. Piginnittunngorsimasup/sut tunisassiorfiup qaqugu ammaqpinnessaa pilersaarutigaa?**
- 4. Tunisassiorfik piffissami qaninnerpaami ammaqpinneqanngippat, taava Naalakkersuisut qanoq iliuseqassamaapat? Tunisassiorfik uterteqqissimaapat?**
- 5. Tunisassiorfiullu innuttaasunullu soqutiginnivittunut neqeroorutigisinnaaneraapat ammaqpinnessaa siunertaralugu?**
- 6. Kangersuatsiami sunisassiorfiup ammaqpinnessaanut suna aporfua?**

(Inatsisartuni ilaasortat Peter Olsen, Inuit Ataqatigiit)

### Tunngavilersuut:

Kangersuatsiami tunisassiorfik pillugu kingullermik apeqquteqaateqarpunga 2015-mi. Apeqquteqaatiga normulernerqarsimavoq 2015-086.

Apeqquteqaatima ilaanut Naalakkersuisut ilaatigut imatut akissuteqaateqarput:

“Tunitsivik Royal Greenlandimit pigineqarmat, tunitsivimmik tunniussinissaq qanorlu akeqartilugu kiisalu taamaattoqassappat suut aningaasartuutaassanersut pillugit Royal Greenlandiamma Kangersuatsiami innuttaasut siullermik aalajangiisussaapput. Naalakkersuisut ilisimatinneqarput innuttaasut Kangersuatsiami tunisassiorfimmik ingerlatserusullutik soqutiginnittut Royal Greenlandimut aqutsisunut saaffiginnissuteqarsinnaasut pilersaarutiminnillu saqqummiussillutik”.

Naluneqanngitsutut ullumikkumut tikillugu Kangersuatsiami tunitsivik suli ammaqpinneqarsimangilaq.

Kangersuatsiarmit tunisassiorfik amigaatigeqimmassuk paaserusunnarsilerpoq tunisassiorfik pillugu qanoq pilersaaruteqartoqarnersoq. Ammaqpinneqarnersoq imaluunniit naamik?

Taamatut tunngavilersuuteqarlunga matumuuna apeqquteqaatikka ingerlateqqippakka.

Qinnutigissavara apeqquteqaatima ullut suliffiusut qulit iluanni akineqarumaartut.